

gesehen haben gegenwürtelich engel  
in ir wesen vñ selikait/ **D**urch nit allain  
die sonder onch habe sy lieplich gehört  
redē gott aller ding schöpffer/ **D**a vñ  
sy darnach in disem klaglichen ia-  
mertal/ als oft sy on vnderlas solich  
er vnsprechlicher fröd gedacht ha-  
ben/ so angstig vnd betrübt gewesen  
sind/ **D**z sy in bitterkait durch waynē  
vñ hertzlich sünstzē ir tag volstrecht  
habe/ bis in den tod/ vñ nit vnbillich/  
dan sy in zal aller menschen/ sind ge-  
wesen die schöstē vnd wisestē/ anfangs  
gebildet nach gotes gelychnuß/ darüb  
nit on vrsach/ nach verhädlung vñ be-  
roupnuß sölicher selikait sy ain berter  
leben gefürt habe dan ander ir nach-  
komē/ **W**ir sehen noch hüt bytag/ wo  
ain mechtig man mit rychtū vñ fröd  
diser welt vmbgebe/ ylends zū so gros-  
ser armüt getrenget wurd/ **D**z er tieffer